

UMSKAL bakal tandatangan dua jurnal serantau Asia Tenggara

UB 19.12.13 A5

Oleh HENRY BATING

utusanborneokk@gmail.com

LABUAN: Universiti Malaysia Sabah Kampus Antarabangsa Labuan (UMSKAL) akan menandatangani satu persefahaman dengan dua penerbit jurnal serantau Asia Tenggara untuk membuka laluan kepada penerbitan lebih banyak hasil kajian ahli akademik UMSKAL.

Pengarah UMSKAL, Prof Madya Dr Ismail Ali berkata penerbitan hasil kajian dalam jurnal adalah penanda aras kepada

pencapaian kecemerlangan ahli akademik justeru peluang yang lebih luas perlu dibuka untuk mengangkat hasil-hasil karya kampus itu untuk rujukan umum masyarakat akademik.

“Sebagai permulaan kita akan menandatangani persefahaman dengan dua penerbitan jurnal di Indonesia yang boleh menyiarkan hasil kajian dalam bahasa Inggeris, bahasa Melayu atau bahasa Indonesia,” katanya.

Menurutnya jurnal itu diterbitkan secara berkala dua kali setahun di mana kalangan ahli akademik di UMSKAL

berpeluang memuatkan sekurang-kurangnya dua hasil kajian setiap tahun.

Ismail berkata demikian ketika mengadakan pertemuan dengan kakitangan akademik

dansokongan Pusat Penataran Ilmu dan Bahasa (PPIB) UMSKAL petang kelmarin.

Sementara itu, Penyelaras PPIB UMSKAL, Dr Loi Chek Kim memaklumkan

dia akan berangkat ke United Kingdom awal tahun depan untuk pengajian pasca doktoral dan tempatnya akan digantikan oleh Dr Mohd Azri Ibrahim.



ISMAIL menerima warkah bingkisan dari Lol.